



21. august 2015

UKA 2015/54

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

UKA2016-mi Naalakkersuisut kalaallinut inuiaqatigiinnut attuumassuteqarnermut inatsisit malittarisassat pillugit nassuaammik agguasseqqullugit qanorlu ataasiakkaarlutik tulluunnerannut nalilersueqquullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuaammi nalilerneqassaaq, innuttaasut pisortanut attaveqartarnerat oqilisarneqarsinnaanersoq kinaassutsimut uppermarsaat, nuna tamakkerlugu atuuttussaq atorneqalersuuppat.

(Inatsisartunut ilaasortaq Michael Rosing, Demokraatit)

Tunngavilersuut

Imaannaanngissinnaavoq paassisallugu qanoq ilinerani inuiaqatigiinnut tamakkiisumik ilannguttoqarsinnaanersoq. Pissutaavoq inuiaqatigiit inatsisaanni malittarisassaanilu 50-nik amerlanerusuni attuumassuteqarnissaq ilaammat, aalajangiisuusarmallu inuk annertuumik nunatsinni inuiaqatigiinnut attuumassuteqarnersoq taamaasillunilu innuttaasutut allatulli pisinnaatitaaffeqassanersoq.

Taamaappoq Kommunimut Inatsisartunullu qinersisarnermi malittarisassat, ilinniarnersutiisiaqalernissamut malittarisassat, initaarniarluni meeqquerivimmiittuuteqalerniarluni-luunniit allatsinnermi malittarisassat, piniarnermut allagartamik piniarnermi malittarisassat il.il. eqqarsaatigalugit.

Ajornartorsiu ajornerulersarpoq soorlu ilinniartunut, sivisumik napparsimasunut Danmarkimi katsorsartittunut, innarluutilit kiisalu kalaallit sinnisoqarfiini sulisut eqqarsaatigalugit, pineqartut nunani allamiinnerminni kalaallini inuiaqatigiinni pisinnaatitaaffippaalussuatik annasarmatigit.



Taamaattumik pingaaruteqarpoq misissussallugu malittarisassat qanoq ataqtigiaingersut aamma inuaqatigiinni ajornartorsiutinik iluarsiinissamut iluaqutaanersut imaluunniit ajornerulersitsiinnartarnersut.

Pisortanut aningaasarsiornikkut allaffissornikkullu kingunissai

Nalunaaarusiorneq aningaasartuutitaqassaaq. Aningaasartuutili taakku ilinniagartuut marluk ukiumi ataatsimi sulinermut atugassaanut 1,0 mio. koruuninut naleqqiullugu anginerunaviangillat.

Namminersortunut aningaasarsiornikkut allaffissornikkullu kingunissai

Naatsorsuutigineqarpoq innuttaasut Kalaallit Nunaat qimallugu aallaqqasimasut angerlaqqikkunik pisinnaatitaaffimminnut pisussaaffimminnullu paasisimasaqarnerulersimassasut. Taamaasilluni angerlaqqinnissaq pilerinarnerulissaq aamma taamatut taamaasilluni suliffiit namminersortut kalaallinik pikkorissunik, nunani allani misilittagaqartunik, sulisussarsinissaat ajornaannerulissaq.

Innuttaasunut aningaasarsiornikkut allaffissornikkullu kingunissai.

Naatsorsuutigineqarpoq innuttaasut Kalaallit Nunaat qimallugu aallaqqasimasut angerlaqqikkunik pisinnaatitaaffimminnut pisussaaffimminnullu paasisimasaqarnerulersimassasut.